



UNIVERSITETI "ISMAIL QEMALI"  
VLORE  
ZYRA E PROTOKOLL - ARKIVES  
NR. 611/38 PROT.  
DATA 06. 10. 2022

REPUBLIKA E SHQIPËRISË  
MINSTRIA E ARSIMIT DHE SPORTIT

Nr. \_\_\_\_\_ prot.

Dt. \_\_\_/07/2022

MEMORANDUM MIRËKUPtimi MBI FUNKSIONIMIN E RRJETIT TË  
QENDRAVE TË TË NXËNIT GJATË GJITHË JETËS TË NGRITURA NË TETË  
UNIVERSITETE SHQIPTARE NË KAUDËR TË PROJEKTIT  
"ENTREPRENEURIAL SKILLS FOR A MODERN EDUCATION IN ALBANIA"

**EntrAL**

**NDËRMJET**

UNIVERSITETIT TË SPORTEVE, TIRANË  
UNIVERSITETIT "LUIGJ GURAKUQI" SHKODËR  
UNIVERSITETIT "ALEKSANDËR MOISIU", DURRËS  
UNIVERSITETIT "ALEKSANDËR XHUVANI", ELBASAN  
UNIVERSITETIT "FAN.S.NOLI", KORÇË  
UNIVERSITETIT "EQEREM ÇABEJ", GJIROKASTËR  
UNIVERSITETIT "ISMAIL QEMALI", VLORE  
KU "PAVARËSIA", VLORE  
AGJENCIA E SIGURIMIT TË CILËSISË SË ARSIMIT  
PARAUNIVERSITAR

Edukimi për sipërmarrjen aktualisht po promovohet fuqishëm në shumicën e vendeve evropiane dhe më gjerë. Kjo kompetencë ka zënë një vend të rëndësishëm dhe është ridimensionuar në politikat e sotme arsimore të BE-së dhe si rrjedhojë është shfaqur roli i individit për të kryer sipërmarrjen për vete dhe për shoqërinë, duke ndikuar drejtpërdrejt në cilësinë e jetës së të gjithë shoqërisë. Në kuadrin e vendit tonë, edukimi për sipërmarrjen si një objektiv strategjik për arsimin dhe ekonominë, krijon premisat për të nxitur frymën e iniciativës dhe inovacionit, punësimit dhe vetëpunësimit, orientimit në punë dhe edukimit të të rinjve duke iu referuar zhvillimeve dhe perspektivave aktuale në tregun e punës.

Bazuar në projektin “Entrepreneurial skills for a modern education in Albania” (EntrAL) (ERASMUS+) dhe pikërisht në pikën 3.3. “Krijimi i rrjetit shqiptar të qendrave për sipërmarrjen”, në ligjin nr. 80/2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, në ligjin nr. 69/2012 datë 21.06.2012 “Për arsimin Parauniversitar në Republikën e Shqipërisë”, i ndryshuar; në Strategjia e Zhvillimit të Arsimit Parauniversitar 2021-2026, Udhëzim nr.16, datë 28.07.2021, “Për funksionimin e sistemit të zhvillimit të vazhdueshëm profesional të punonjësve arsimorë”; në Standardet profesionale të mësuesit, të të universitetet e përfshira në këtë projekt Universiteti i Sporteve, Tiranë, Universiteti “Luigj Gurakuqi” Shkodër, Universiteti “Aleksandër Moisiu”, Durrës, Universiteti “Aleksandër Xhuvani”, Elbasan, Universiteti “Fan.S.Noli”, Korçë, Universiteti “Eqerem Çabej”, Gjirokastrë, Universiteti “Ismail Qemali”, Vlorë, KU “Pavarësia”, Vlorë dhe Agjencia e Sigurimit të Cilësisë së Arsimit Parauniversitar, të cilat përgatisin dhe zbatojnë politikat e zhvillimit profesional të mësuesve në fushat e aktivitetit të tyre, kanë rënë dakord mbi termat dhe kushtet si më poshtë:

## **Neni 1** **Qëllimi**

Qëllimi i këtij Memorandumi është koordinimi ndërinstitutional për zhvillimin profesional të mësuesve, studentëve dhe stafi akademik në sistemin e arsimit parauniversitar dhe në sistemin e arsimit të lartë, nëpërmjet realizimit të trajnimeve të mësuesve sipas moduleve të akredituara nga Komisioni i akreditimit të programeve/moduleve të trajnimit (KAPT), trajnimit të studentëve dhe stafit akademik të arsimit të lartë sipas moduleve të hartuara nga ky rrjet.

## **Neni 2** **Objektivat**

Objektivat kryesore të Memorandumit janë:

- a) Hartimi i moduleve të trajnimit për sipërmarrjen:
  - në përputhje me nevojat dhe kërkesat e mësuesve në arsimin parauniversitar të identifikuar në kuadër të këtij projekti;

- në përputhje me nevojat dhe kërkesat e stafit akademik në arsimin e lartë të identifikkuara në kuadër të këtij projekti;
  - në përputhje me nevojat dhe kërkesat e studentëve në arsimin e lartë të identifikkuara në kuadër të këtij projekti;
- b) Akreditimi i moduleve të trajnimit të mësuesve të hartuara nga institucionet e arsimit të lartë të përfshira në këtë projekt;
- c) Ofrimi i moduleve për studentët, stafin akademik të arsimit të lartë dhe mësuesve të arsimit parauniversitar nga qendrat e trajnimit të të nxënit gjatë gjithë jetës të ngritura pranë institucioneve të arsimit të lartë të përfshira në këtë projekt.

### **Neni 3**

#### **Kohëzgjatja e Marrëveshjes**

Marrëveshja hyn në fuqi nga data e nënshkrimit të saj datë 31/07/2022 deri në përfundim të projektit EntrAL (Erasmus +), 31/07/2024 dhe do të zbatohet në qendrat e të nxënit gjatë gjithë jetës për trajnimin e mësuesve në institucionet: Universiteti i Sporteve, Tiranë, Universiteti “Luigj Gurakuqi” Shkodër, Universiteti “Aleksandër Moisiu”, Durrës, Universiteti “Aleksandër Xhuvani”, Elbasan, Universiteti “Fan.S.Noli”, Korçë, Universiteti “Eqerem Çabej”, Gjirokastrë, Universiteti “Ismail Qemali”, Vlorë, KU “Pavarësia”, Vlorë.

### **Neni 4**

#### **Përgjegjësitë e institucioneve**

##### **4.1 Institucionet e arsimit të lartë**

Institucionet e arsimit të lartë marrin përsipër:

- të sigurojnë funksionimin e rrjetit të qendrave të të nxënit gjatë gjithë jetës për trajnimin e studentëve dhe stafit akademik të arsimit të lartë si dhe të mësuesve të arsimit parauniversitar;
- të hartojnë module trajnimi sipas fushave në përputhje me nevojat e studentëve, të stafit akademik dhe të mësuesve;
- të sigurojnë zhvillimin e moduleve për sipërmarrjen me studentët dhe me stafin akademik të arsimit të lartë;
- të sigurojnë trajnime për sipërmarrjen me mësuesit në arsimin parauniversitar në përputhje me nevojat dhe interesat e mësuesve dhe moduleve të trajnimit të akredituara;
- të koordinojnë funksionimin e rrjetit të qendrave të të nxënit gjatë gjithë jetës për trajnimin e mësuesve ndërmjet institucioneve të arsimit të lartë;

- të zbatojnë legjislacionin përkatës për organizimin e trajnimeve të mësuesve;
- të vënë në dispozicion mjediset e qendrave të të nxënit gjatë gjithë jetës për trajnimin e mësuesve;
- të certifikojnë mësuesit në përfundim të trajnimeve për modulet e trajnimit të akredituara.

#### **4.2 Agjencia e Sigurimit të Cilësisë së Arsimit Parauniversitar (ASCAP)**

ASCAP merr përsipër:

- të mbështesë institucionet e arsimit të lartë të përfshira në projektin EntrAL për funksionimin e rrjetit të qendrave të të nxënit gjatë gjithë jetës për trajnimin e mësuesve;
- të mbështesë institucionet e arsimit të lartë të përfshira në projektin EntrAL për akreditimin e moduleve të trajnimit të hartuara në kuadër të këtij projekti;
- të sigurojnë regjistrimin e institucioneve të arsimit të lartë në portalin e trajnimeve të mësuesve;
- të mbështesë institucionet e arsimit të lartë me materialet e zbatimit të kurrikulës si dhe me materiale të tjera të hartuara nga ASCAP për zhvillimin profesional të mësuesve në arsimin parauniversitar.

#### **Neni 5**

##### **Përfaqësimi i institucioneve**

Institucionet nënshkruese të këtij Memorandumi vendosin që Memorandumi të mbikqyret nga drejtuesit e institucioneve të përcaktuara si më poshtë:

- Universiteti i Sporteve, Tiranë, Universiteti “Luigj Gurakuqi” Shkodër, Universiteti “Aleksandër Moisiu”, Durrës, Universiteti “Aleksandër Xhuvani”, Elbasan, Universiteti “Fan.S.Noli”, Korçë, Universiteti “Eqerem Çabej”, Gjirokastër, Universiteti “Ismail Qemali”, Vlorë, KU “Pavarësia”, Vlorë (*Rektorët përkatës*);
- Agjencia e Sigurimit të Cilësisë së Arsimit Parauniversitar (*Drejtori i përgjithshëm*).

#### **Neni 6**

##### **Dispozita përfundimtare**

Institucionet kanë të drejtë të negociojnë ndryshime ose amendamente të elementëve të këtij Memorandumi. Ky Memorandum mund të ndryshohet nga institucionet vetëm me shkrim.

Nëse pas datës së nënshkrimit të këtij Memorandumi miratohen akte ligjore/nënligjore që ndryshojnë ose ndikojnë në kushtet e këtij Memorandumi, ato do të jenë objekt i

shtesave/amendimeve me shkrim për aq sa institucionet ndikohen në përmbushjen e detyrimeve të tyre sipas këtij Memorandumi.

Ky Memorandum është nënshkruar sot në datë \_\_\_/07/ 2022, në 9 kopje të barasvlershme.

Universiteti i Sporteve, Tiranë

Rektor:

Firma:

Universiteti “Luigj Gurakuqi”, Shkodër

Rektor:

Firma:

Universiteti “Aleksandër Moisiu”, Durrës

Rektor:

Firma:

Universiteti “Aleksandër Xhuvani”, Elbasan

Rektor:

Firma:

Universiteti “Fan.S.Noli”, Korçë

Rektor:

Firma:

Universiteti “Eqerem Çabej”, Gjirokastrë

Rektor:

Firma:

Universiteti “Ismail Qemali”, Vlorë

Rektor:

Firma:

KU “Pavarësia”, Vlorë

Rektor:

Firma:

Agjencia e Sigurimit të Cilësisë së Arsimit Parauniversitar

Drejtore: Gerti JANAQI

Firma: